

Schlitz

The Beer That
Made Milwaukee Famous

Diario pa



Aruba

KING SIZE COCA-COLA
MORE
FOR
YOU!OPTIEK
Oranjestad
San Nicolas

No. 4383

DIARAZON 11 JULI 1962

DISCURSO DI KRUSHEV NA CONGRESO MUNDIAL

MOSCU, 11 juli — Premier Chroestjov di Union Sovietica a bisa ahera tardi na un discurso pa e congreso mundial pa desarme general y paz, cu nan a tene na Moscu, cu Union Sovietica, pa ta prepara riba tur eventualidad, na obligacion su mes, pa fabrica armanan nuclear di 50 y 100 megaton, y mas altu, tambe, raketnan intercontinental cu bo no por destrui y anti anti-raket.

Chroestjov a declara, cu amenaza di un otro guerra mundial ta existi. Humanidad por ta inclui den e guerra aki, si nan no tuma medidanan efica. Declarando, cu e congreso di desarme na Moscu, ta un dje sucesonan di mas importancia den nos tempo y cu henter pueblo Sovietico ta presente. Chroestjov a bisa tambe, cu tur agrupacionnan dje pueblo, ta exigui unavez y pa scmp, medidanan pronto y poderoso, pa mara e mannan criminal, cu ta extende pa e konopinan di un guerra nuclear.

Segun Chroestjov e exito di intencionnan pa proteha tur e pueblo y nacionnan cu kier sigui biba, contra un amenaza di un otro guerra mundial ta depende di gran parti dje luchadonan di paz.

Tambe el a bisa, cu nunca nan a tuma asina tantu preparacionnan pa evita un guerra. Segun cifranan oficial mundu ta duna aktualmente na gastonan di guerra mas di 120 milard dollar. Asina Chroestjov a declara, y el a agrega, cu Merca ta tuma riba teritorio di preparacionnan di guerra e prome lugar.

Tambe Chroestjov a papia di un propicio monstruoso, dje minister Mericano di Defensa, MacNamara, cu a propone dia 16 di juni den un discurso, pa alcanza acuerdo tocante uso di arma nuclear exclusivamente contra forzadnan di guerra y no contra ciudadnan grandi. Chroestjov a bisa di no ta kere, cu nan mester yega di acuerdo tocante reglanan di un guerra nuclear, pero riba e manera cu cual nan por kita un guerra nuclear for di caminda.

E insinuacionnan di politiconan Mericano, cu Merca lo sufrir poco perdida den guerra nuclear, ta un ilusion, segun Chroestjov. Nan ta solamente intencion pa prepara e opinion publico na Merca y paisnan aliado.

Chroestjov tocante desarme

Desarme ta e exigencia obligatoria di nos tempo, asina e premier Ruso a bisa. Papiando tocante e plan Ruso pa desarme completo y general, e premier a bisa, cu e punto mas principal ta e prohibicion y destruccion completa di armanan nuclear.

Tur medionan pa transporta armanan nuclear mester worde destrui na cuminsamentu di desarme.

Chroestjov a sigui: "Nos ta para riba, cu e potencialnan di accidente desastrosos den basean militar riba teritorio estranhero y retira nan trupanan for di exterior."

E peliger pa un guerra ta queda existi tantu cu e basnan ey tey. Nos ta declara pa henter mundu, cu e tatica pa origina un guerra mundial cu e fin pa laga e ideologia comunista vence, ta algu stranjo pa nos."

E premier a ripiti e invitacion na tur paisnan pa stop cu prueba nuclear. Pero ningun hende por spcra, cu Union Sovietica so lo haci esey.

Congreso di paz na Moscu

E canonico John Collins, di e mision Londonense San Pablo, a entrega

na e conferencia mundial pa desarme general y paz na Moscu un plan pa reemplaza e actual equilibrio di amenaza, door di un equilibrio, di confianza, cu e fin pa proteha mundu contra destruccion di arma nuclear.

Segun e confianza por aumen a satisfactoriamente, mientras e deseo di personanan pa paz ta wordu trece den peliger door di aumento di fines politico di ideologico.

Deliberacionnan tokante desarme y paz no ta trece nada bon, asina cu nan ta bisa, cu paz ta posibel, si henter mundu ta biba segun suposicion-

nan di un solo partido. Collins, a insisi tambe, pa paisnan neutral, of paisnan cu no ta pertenece, of solamente pa un parti na un otro bloke, haci tur loke ta den nan alcance, pa trece e partidonan cu ta contra otro cerca otro. E paisnan aki mester duna un ehempel, door di muestra nan disposicion, pa trece un solucion den kestionnan y desarme. E unico caminda eficaz pa paz ta, cu e paisnan tuma medidanan di desarme nan mes, segun Collins, cu ta presidente dje organizacion Britanico pa abolimentu di arma nuclear.

Segun Collins, Union Sovietico, a haci un fout grandi, door di reanuda e prueba nuclear den otono di anja pasa, apesar dje argumentonan cu su consehonan militar a dunele.

Pero Collins, a culpa tambe e Mericanonan, pa nan reanudacion di prueba nuclear, principalmente e recien prueba na altura grandi den ionosfera.

Asemblea di conseho di Nieuw Guinea

HOLLANDIA, 11 juli — E reunion dje conseho nobo di Nieuw Guinea a pidi pa manda e luna aki mes alida un delegacion di Papoea pa pones e punto di vista di Papoeanan na congreso di gobierno indones. E deseo aki a ser expresa den un dje cinco mocionnan cu nan a entrega na e debatanan tocante desarollo politico acerca di Nieuw Guinea y riba cual nan lo vota diarazon anochi.

Un ambienar Papoea di gubernacion Tanggahma for di Fak Fak cu a declara cu actualmente Indonesia, ta ricibi cu alegria estudiantenan Papoea for di Hulanda. Actualmente nos no mester manda asina liher un delegacion oficial cu ta representa e pueblo Papoea, asina el a bisa.

El a agrega, cu e no por papia di henter e poblacion di Nieuw Guinea, pasobra tin algun grupo cu ta pensa otro."

Senior Veldkamp, a bisa, cu gobierno Hulandes y e gobierno di Nieuw Guinea, gustosamente, lo ta di

F A T U M—Tel.: 1845
pa tur bo asegurado

ARGENTINA TA CELEBRA INDEPENDENCIA

BUENOS AIRES, 11 juli — Na Argentina nan a celebra ayera e hecho, cu e pais aki 146 anja pasa a bira independiente. Como medidanan tendiente di economisacion nan a limita e parada militar tradicional di tres ora den capital te cu parada di mei ora di cadetenan cu tabata pasa dilanti president Guido.

E empresanan di transporte kier consentimento pa aumenta tarivanan. Gobierno a amenaza pa hala e concecionnan dje personanan en relacion aden, si nan no termina e huelga ayera noch.

86 PORCIENTO DI HOBENAN NA ARUBA A SLAAG PA EXAMEN DI MULO

ORANJESTAD, 11 juli — Na Aruba pa ul imo dia a tene examennan di Mulo. Como quiera cu e ultimo dia tabata alavez esun di mehor, como cu tur e 18 alumnonan cu a bai op a mira nan molester corona cu exito, nos a nota cu dje total di candidato- nan cu di 236 cu a bai op pa examen di Mulo na Aruba, 203 a slaag, loque ta igual cu 86 porciento. Esnan cu a slaag ahera tabata:

Pa Mulo-A: Isidro J. Robert, Luis A. Saladin, Sebastiano F. Tromp, Lucio J. Werleman, Rafael A. Werleman, Stanley J. Zaandam, Francisco J. Vrolijk, Norma L. Cabenda.

Pa Mulo-B: Marva I. Modge, Bill J. Lobbrecht, Gene H. Nahar, Irving Raghuath, Ruby F. Valk, Artie A. de Vries, Frank E. Mingo, Violet C. Perkins, Ronald H. Pinas, Ronald Fang.

Inspeccion di enseñanza a dirigi palabranan especial di gratitud na bestuur di Union Mutualista Bonaeriana, cu desinteresadamente a ofrece e edificio di club pa tumamento di examen.

MARCIONAN RIBA LAGO!

NOORD, 11 juli — Dia Mars marduga pa banda di 4'or nan a mira na diferente lugha na firmamentu luznan stranjo. Un abonado a bisa nos di a, mira e luznan stranjo aquri cu su mes wowonan, mientras tambe e trpulation di "Arkeek" a mira e "apari- cion" stranjo aquri.

Segun participacion dje marinero- nan, dos dje luznan cu tabata mas o menos manera nublacion ilumina a para algun ratu riba e parti west dje isla, mien'ras despues cu un veloci- dad inigualable nan a sigui i dispa- ce, den direccion di Zuid-Oost. Como cu e toren di trafico di puerto aereo ta cerra parti di anochi, tabata imposi- ble pa informa na hendenan ex- pecto nan opinion den e asunto aquri. Sin embargo otronan ta di opinion cu loque e hendenan aquri a mira tabata un refleso di un zoeklicht contra cielo di nubia.

PELICULA INFANTIL DIAVIERNES NA NOORD

ORANJESTAD, 11 juli — Dia Viernes awor lo nan presenta den cu- ta di scol di Annaschool na Noord un programa di pelcula pa mucha. Sr. J. van Zijl di servicio insular di film ta bini e biha aquri cu s e pe- licula. Bao di cualnan naturalmente un pelcula di "famous kids".

NAN A HAYA TUR VICTIMA DI DESASTRE CU AVION ITALIANO

BOMBAY, 11 juli — E gruponan di rescate a haya 26 cadaver di e ocupan- tenan di e avion jet di pasahero di e compania italiano "Al Italia" cu siman pasa a cai den cercunian di Bonibay. Awor nan a haya tur 94 victimanan. (Ningun pues a sobrevivi e desastre. E restinan di e avion tabata plama riba un terreno grandi.

BISHITA DI DE GAULLE NA ALEMANIA WEST

BONN, 11 juli — Canciller federal Adenauer di Alemania West, a anuncia na conferencia di prensa, cu president De Gaulle di Francia, den e prome mitar di september lo haci un bishita na Alemania West. E canceller a bisa, cu e fin di mas principal di su bishita oficial di siman pasa na Francia tabata, e reconciliacion dje pueblo frances y aleman.

138 DJE 426 CANDIDATO A SLAAG

ORANJESTAD, 11 juli — Dia Lu- na u.p. a tene toelatingsexamen pa Arubaanse Technische School. Taban- tin 426 candidato, di cual 138 a slaag.

POLITIEK DI ATOOM DI DE GAULLE

PARIS, 11 juli — E corant Fran- ces "Le Figaro", a anuncia, cu minis- ter Frances di Defensa, Messmer, a bisa na periodistanan di aviacion, cu p'diser Francia lo dispone na anja 1970 di un bom di waterstof, cu lo wordu fabrica door di instalacionnan di atoom na Pierrelatte na e rio Rhone. E construcion dje instalacion na Pierrelatte, tabata e tema di con- versacion den asamblea Frances na- cional. E gobierno Frances kier pone e anja aki mas di 200 miljon frank disponibel, pa construcion dje insta- lacionnan, cu gobierno kier.

DECISION DI GOBIERNO BIRMANES

RANGOON, 11 juli — E gobierno Birmanes, a ordena pa serra tur uni- versidad Birmanes y instalacionnan di enseñanza pa preparacion di un pro- grama nobo di enseñanza. E decision aki ta basa riba e politiek di ensen- janza cu ta para den programa di e partido di gobierno, e union anti fascista di libertad di pueblo. Den e programa aki ta para, cu hoger o- derwijs ta un privilegio, cu gobierno ta duna y no ta un derecho pa estu- dianan.

Diadomingo nan a kibra e edifi- cio dje union di estudiante na Ran- goon, pasobra gobierno ta hanja cu akinan tur e partidonan comunista ta reuni pa hanta contacto cu otro par- tidonan.

CHURCHILL TIN TROMBOSIS

LONDEN, 11 juli — Den un boletin medico tocante salu di Sir Winston Churchill nan a participa ahera, cu e trombosis no a expande su mes y cu su pia izquiera ta menos hincha. Es- aquri ta di prome biha cu e mediconan di Churchill ta papia di trombosis.

Apertamente ex premier no ta laga e complicacionnan di su fractura na su pia izquiera influencia ya cu e ta contentu, manera su esposa a expresa despues di un bishita na hospital.

BRAZIL TIN PREMIER NOBO

BRASILIA, 11 juli — Cu 215 contra 58 voto parlamento brazileno a apro- ba nombramentu di profesor Francisco Brochado da Rocha, pa prome minis- ter. Brochado da Rocha di 52 anja ta miembro dje partido demoraat socia- lista, cu tin den parlamento un mayo- ria. Nan a anuncia, cu e lo pidi parla- mento pa autorisacion extraordinario pa combati e gastonan di bida cu ta aumentando. Brochado da Rocha, tabata e di tres persona, cu president Goulart den tempo di tres siman a in- dica como premier.

E prome tabata Santiago Dantas. Pe- ro parlamento a rechazele. E siguiente tabata senador Andrade.

Parlamento a aproba su nombramen- tu, pero el a retira, pasombra e no por a forma gabinete.



Dilanti di gobernador interino di Antillanan Neerlandes Sr. Oscar S. Henriquez a haci su huramento ajera merdia. Sr. Henriquez ta ser tuma den conseho di ministranon pa completa den e vacatura di fallecimiento di Sr. Juan E. Irausquin. Minister president E. Jonckheer y ministro Petro- nia tabata presente na e solemnidad aquri. Na izquiera e ministro nobo, na derecho, gobernador C. Winkel.

KRUSHEV TOCANTE KESTION ALEMAN

MOSCU, 11 juli — Premier Chroes- tjev ahera a propone cu e trupanan di aliadonan na Berlin worde reemplaza door di un forza militar bon di bandera di Nacionnan Uni, consistiendo di uni- dadnan danes, y noruego of belgo y checo. El a bisa esaki den un discurso tocante desarme.

Segun observadonan di occidente esaquri ta un proposicion nobo. Antes Union Sovietica a propone pa reempla- za e trupanan di occidente door di trupanan for di paisnan neutral of contingentnan di Nacionnan Uni.

E departamento Mericano di exte- rior a participa cu gobierno Mericano, ya a rechaza e proposicion Ruso pa reemplaza e trupanan di e tres paisnan grandi di occiden e door di contingen- tenan for di paisnan di NAVO.

E portavoz di State Department a bisa cu Union Sovietica ta responsa- ble, cu nan a bolbe adopta prueba nuclear den e competencia di arma- mentu y esey door di e serie di prueba- banan cu nan a tuma anja pasa. E tempo ey, asina el a bisa, nan a ex- plora e bom nuclear di mas grandi di tur tempo, esta e bom di 58 mega- ton.

Tambe gobierno legles ta conside- ra e proposicion di Chroestjov inacep- table.

Chroestjov a bisa den su discurso tambe cu Adenauer va a gasta mas

na armamentu cu Hitler na prepara- tionnan pa segundo guerra mundial. E chereito di Aleman occidental mas y mas a bira un pilar di e forsanan agresivo di NAVO y Alemania occi- dental mas y mas a bai ta stipula e tatica di e bloke di NAVO.

Tempu ta sigui corre. Si occidente ta sigui nenga na cooperacion pa caba cu e res unan di segunda guerra mun- dial, e paisnan socialista y otro pais- nan cu que paz ta hanja nan obliga pa firma un tratado di paz cu Ale- mania oriental, cu tur consecuencia- nan cu esey por trece.

ALPINISTA A SUFRI ACCIDENTE

Dos Alpinista Britanico, cu tabata di caminda pa e pico di Mont Blanc, a sufrir un accidente. Pero un amigo cu tabata huntu cu nan a keda ileso.

F. J. TROMP A QUEDA HURA COMO DEPUTADO

Ahera mainta na oficina di Gezagh- cher interino Isaac S. de Cuba, Sr. F. J. (Jossy) Tromp a queda hura como diputado nobo cu ta ocupa puesto di Sres J. Erasmus y O. S. Henriquez.



ODUBER & KAN



TA MAS FACIL PA LESÁ

cu bon glas den un
montura jen di
eslilo.





KLOMPEN KLUB



SITIO MAS DIBERTIDO DI ARUBA

STREA DI E SHOW

te dia 17 di Juli p.v.

BEATRICE MILA

Show ta cuminsa 10' or p.m.

KLOMPEN KLUB ABRI 7-11 P.M.
RESERVA BO MESA NA TEMPO CERCA MAITRE O'HOTEL CAMARA
TEL. 2250

SERVICIO
PRIMA

**hotel
aruba**
CASINO
CARIBBEAN

CUSHINA
PRIMERA CLASE

Arubaanse Voetbal Bond

Aan de:
aangesloten verenigingen;
Ereleden;
Bestuursleden;
Commissieleden en
Scheidsrechters van de A.V.B.

OPROEP

tot het bijwonen van de Halfjaarlijkse Algemene Ledenvergadering welke gehouden zal worden op VRIJDAG 13 JULI 1962 om 7.30 n.m. in de vergaderzaal van het Cultureel Centrum.

AGENDA:

1. Opening door de voorzitter;
2. Goedkeuring Notulen Jaarlijkse Algemene Ledenvergadering;
3. Bestuursmededelingen;
4. Goedkeuring gewijzigde Statuten;
5. Wijziging art. 52 lid 1 onder b. van het H.R.;
6. Rondvraag;
7. Sluiting.

Elk aangesloten vereniging is verplicht een stemgerechtigd vertegenwoordiger meerderjarig lid der vereniging naar de Algemene Ledenvergadering af te vaardigen. De vertegenwoordiger is verplicht de vergadering tot en met de sluiting bij te wonen. Deze vertegenwoordiger moet in het bezit zijn van een schriftelijke machtiging ondertekend door 2 bestuursleden van de vereniging, dat hij gemachtigd is namens de vereniging op te treden. Deze verklaring moet vóór de vergadering aan het Bestuur van de A.V.B. worden ter hand gesteld.

De aandacht van de vereniging wordt gevestigd op artikel 24 lid 9 van het H.R. Aruba, 18 juni 1962.

Namens het bestuur van de A.V.B.
De Secretaris

AVISA DEN ARUBAANSE COURANT

CISCO KID

presenta pa cortesia di YORK
e prome cigarille tamanjo IMPERIAL

1. „Lo e a mira na unda ami a sconde mi boto? E ta parsemi un bon muchu... Pero mi no mester confie!”
2. „Ami a mira na unda ela sconde e placa... Pero lo mi no bisa nada... E por kere cu mi a bai spionar!”
3. „Prisicilla h'sami, bo a mira mi drenta?” „No, pero mi a sintibo... Pesey cu mi a despierta... y no a keda mi otro cos cu hui!”



AVENTURA DI OLLE

presenta pa cortesia di SELMA'S KAPSALON

E profesor ta hanja cu cla mira bastante di e damanan. „Laga nos bai pa nan sigui traha.” Kulibul ta conta sin stop over di e damanan. Pero profesor kier mira e pueblo. Ora cu e profesor ta pasa e ta trapa sin cu e sa r'ha shimis di e damanan. Y boem tur dos ta cai ariba suela. E profesor ta rabia pero e dama ta rabia mas ainda.



SURNAM Y E COMUNIDAD ECONOMICO EUROPEO

DEN HAAG, 11 juli — E president di Tweede Kamer di Staten General, mr. Kortenhorst, a dirigi ayera tardi den un reunion publico un palabra di bienvenida pa e cinco delegadonan di Staten di Surinam, cu a reuni den sala di reunion pa asisti na un tratamentu publico, di proyecto di ley, pa aprobacion pa Surinam die tratado pa establecimiento di e Comunidad Economico Europeo cu nan a firma dia 25 di maart 1957.

Patras die mesa ministerial tabata e vice minister president, drs. H. A. Korthals, minister Luns y De Pous, e minister plenipotenciario Pos y Lampe, y tambe e secretario di estado, di asun unan interno, mr. Th. H. Bot. Den un die Legation, minister interior, mr. Toxopeus, a asisti na e reunion. Varios Surinam tabata presente na e tribunan publico. Mr. Kortenhorst a yama e dia di ayera un dia importante, un dia historico, un dia di gran significacion pa membronan di Staten di Surinam y di parlamento Hulandes.

Despues die palabra di bienvenida, nan a cuminsa cu un tratamentu die proyecto di ley, riba cual varios orador a papia.

MALIK TA BAI WASHINGTON

DIJAKARTA, 11 juli — Embahador Indones na Moscu, Adam Malik, cu president Soekarno a indica pa e deliberacionnan informativo na Merca cu representantenan Hulandes, tocante kestion di Nieuw Guinea, lo wordu spera awe mañña 6.30 ora local na Washington.

DOKTERMAN NA GRECIA A WELGA

Na Grecia mas di 100.000 dokter a welga ayera cuater ora como protesta contra atake di famianan di patientnan cu no a cura. Dos luna pasa un cirujano a wordo mata door di un homber, pasobra su casa a muri den cambier di operacion.

MINISTER ARGENTINO PA MERCA

BUENOS AIRES, 10 juli — E minister argentino di asuntonan economico, Alvaro Carlos Alsogaray, lo sali e luna aki mes pa Merca pa deliberacionnan tocante yudanza pa peso argentino. E ta pensa pa na fin di luna e bai Europa tambe pa hiba deliberacionnan.

TANKER DI MAS GRANDI DI MUNDO

TOKIO, 11 juli — Na un wal na Hapon nan a baha na awa e tanker di mas grandi di mundo. E tanker „Nissho Maru”, ta pisa 131.000 ton y, in un largura di 291 meter, y un anchura di 43.5 meter y altura ta 22 meter. Un motor cu ta traha cu stoom turbina di 28.000 forza di cabai. Nan a construi „Nissho Maru” riba orden di un rafinaderia Hapones di petroleo, cu ta spera riba e manera aki ta rebaha e gastonan di transport di petroleo crudo di Golfo di Persia pa Hapon cu 30 por ciento. E bapor por transporta mas di nuebe milon baril di petroleo crudo. Nan ta spera cu na fin di september, nan lo por entrega e bapor.

DESGRACIA DI AVION NA BRINDISI

ROMA, 11 juli — Un avion Libanes di 4 motor, a cai cerca di Brindisi na Italia den laman. Ashia e agencia Italiano di prensa „ANSA” a anuncia. E avion, un Douglas DC-4 tabatin seis miembro di tripulacion, cu segun ta parece a muri. E avion tabata di caminda di Frankfurt Main pa Beirut.

E avion a haei escala na Brindisi. Poco despues cu el a subi, nan a mire cai algun kilometer mas aleu die pista den laman. Nan tabata usa e avion pa transporta carga.

Un testigo ocular a bisa, cu a sali un vlam for die motornan, y despues tabatin dos explosion.

Despues cu e avion a cai den awa, esnan presen'e cu a dirigi nan mes inmediato pa e lugar no por a y'za cerca, pasobra gasolin riba e pidanan die avion tabata na candela.

NO TIN TIRAMENTU NA LAOS

VIENTIANE, 11 juli — E tres gruponan diferente di ehercito na Laos, a hanja orden pa stop cu tiramentu. Radio a transmiti e orden aki. E comandantenan di forzanan di guerra a hanja orden tambe, pa sortu pa nan unidadnan keda na e instalacionnan ocupa y deshaci nan mes di cada accuacion provocativo. Nan a duna orden pa stop di tira despues die prome reunion die comision di armisticio, den cual tur e tres agrupacionnan Laosiano ta representa, y cu gabinete a instala dia 4 di juli. Minister ad interim di Defensa, general Phoumi Nosavan, a firma e orden aki.

VOLKSWAGEN

E ENVIO NOBO A YEGA ENTRETANTO!
Enormemente grandi ta e interes cu ta ser demonstra pa Volkswagen, loque ta proba e cantidad aumentando di VOLKSWAGEN cu bo ta mira riba caminda.

VW espacio suficiente pa 4 persona
VW no tin problemanan mas di parkeer.
VW e mehor servicio na tur parti di mundu!

B'a yega di haci cabu un carreda di proef cu e VW nobo? No spera mucho cu esei, pidi awe mes ainda pa un carreda di proef liber cu Volkswagen.
Apura bo y bo tambe lo bira donjo di un die VW-nan nobo.

AUTORAMA MOTOR COMPANY N.V.

Cura Cabai 137 - tel. 5305.

YABI

pa bo exito

the style leader
in room
air conditioners



CHRYSLER
AIRTEMP
SLENDER

- Maximum cooling in minimum space
- First room air conditioner that THINKS
- lower current consumption
- EASY TERMS

ARUBA TRADING COMPANY



E pedido nan ta ser haci rapido, bon y na bo satisfaccion.

CEMPRO N.V.
WAYACKA - TEL. 2444

CELOTEX



PA BO PLAFOND
No tin lugar cu por bati
Prijs - Servicio y calidad di
ARUBA TRADING CO.

Riba e portret aki nos ta mira com un Papoca, ta informa e militarman Hulandes respecta e posicion cu el a mira un numero di parachutistanan.

BO SAPATO DEN CUALKIER COLOR DEN MENOS CU UN HORA!

Nos ta tinja bo sapato of slof di satin of otro tela den cualkier color cu bo ta desea, pa solamente Fl. 1.25.

Pa mas informacion lama of bisita



La Linda

TA BENDE FORD PICKUP 1956

Fl. 1200.—

Bon cuida y den perfecto condicion.

Pa informacion: Arubaanse Courant, Nassaustraat 85 — Tel. 1116 - 2116

HET NEDERLANDSCHE ROODE KRUIS AFDÉLING ARUBA

Bullengewone Algemene ledenvergadering

om 20.00 uur in het Cultureel Centrum.
op Vrijdag 27 juli 1962

AGENDA:


Aanvulling bestuursvacatures.




VIAJA
comfortable
RIBA BO
TAPIJT
VOLANTE

Cu Travelers' checks viajamento ta bira un placer, y vacante semper un exito.

No ta importa pa unda bo ta viaja of motibo di bo viaje, e manera mas sigur pa hiba bo placa ta Travelers' Checks! Tur parti nan ta aceptable y solamente BO por cambianan pa efectivo. Ademas bo ta haya bo placa back inmediatamente si nan horta bo check. Cumpra bo traveler's checks cerca nos, esey ta sali bo mas favorable.






Sublime obra Hubenil na San Nicolas: „BOYS BRIGADE” Y „LIFE BOYS”

SAN NICOLAS, 11 juli— Si bo yega na duna un mucha homber un man y cu bo sinti cu su dede chikito (pink) a keda i haak den esun di bo, anfo e mucha aki la un dje mas di 3 million miembronan di Boys Brigade, un organizacion hubenil cu a ser instala na Inglatera na anja 1873 cu un programa di actividadnan, cu ta un mezcla encantador di servicio militar, esculismo y catecismo. Boys Brigade tin un

anja y algu caba di existencia na San Nicolas na Aruba y na ocasion di un bishita reciente di e organizador di Caribe di Boys Brigade, Sr. John Edbrook, el a ser nombra despues di uno, e mehor B.B. di henter e territorio di Caribe. Pa e domi di Metodistanan John Gumbs, riba kende su iniciativa e brigada a ser funda, esaki ta un gran honor.



Na campania di dami Gumbs nas por a mira Boys Brigade den accion dialuna anochi. Esaki indudablemente ta un acontecimiento, alga nechi di prestacion, algu organiza di disciplina.

Camandanan tabata resana aver dje cura di scol di Abraham de Veerschool y stijf y firme den fila nan tabata marchando, tabata draai, bira y zwenk e pelotannan dje „First Company of the Boys Brigade”. Hende por a mira cu e muchanan tabatin smook den e organizacion aki; e animacion den e trupa hubenil ta ban. Ora cu nos tira un bista riba e habennan y mira nan para asina nechi y na carada, net riba nan curpa den e fila of ora cu nos mira e pelotannan marcha, masha hopi salda bieu la recorda cu den nan tempo di militarismo nan na tabata mehor cu e hobennan aki. E ehercicia ta un dje partinan di mas principal dje programa di Boys Brigade y tin camo abheta na custumbra e muchanan cu disciplina. „Y esei ta masha necesario na San Nicolas”, dami Gumbs a bisa nos na baz baha. Sin embargo e „drill” aki cu especialmente ta tuma luga na ingles, ta solamente un parti dje conhunto.



Dia Luna e muchanan ta haci ejercicio i ta hunga velddienst; Dia Hueb es nan ta reuni trobe; pero awor den

scol di Metodistanan, unda nan ta hanja educacion cristian, sigui pa weganan manera ping-pong, domino, etc.



„Obheto di Boys Brigade ta pa haci e muchanan susceptible pa binida di Reino di Dios i sinja nan obediencia, respet, disciplina i propio-respet, en una palabra: tur loque por sirbi pa sella nan na hobennan cristian.”

Asina anfo e obheto di Boys Brigade ta ser describi, cual foi pulpito di misa di Metodistanan na Januari 1961 a ser organiza i ya awor caba a crece bira un grupo fuerte i entusiasta.

Despues cu e muchanan deh nan uniform nechi di color blauw scur cu faha blancu over di nan pecho, cu nan bonechi mes color blauw scur cu bisbi blancu, despues di yegada riba veld di ejercicio, cu tur tabata para den fila i cu sergent-van-de-weck Vincent Hazel, a melder e trupa cerca kapitein Clement Pierre, e oficial di mas altu, e oficialnan ta reza huntu prome i despues e oficialnan ta reza huntu cu e hobennan, tur entre 12 i 17 anja.

„Senior Dios, spaar bo Boys Brigade. Sinja bo muchanan bo caminda i haci nan bon ciudadanonan; dey e comunidad den cual bo ta pone nan.”

Despues na böz altu nan ta reza huntu „Nos Tata”. Setenta hoben baldadi ta para ei anto, cu cabez inclina i e bonechi primi door dje man drechi na nan schouder robez na cual ocasion e elleboog di man drechi ta contra su pecho. Esei tambe ta un Boys Brigade asina tipico. Riba e planchi silencioso di scol over di cual ya nochi ta haba ta resona e oracion di mas bieu di humanidad cristian.

Despues a sigui e inspectie, na cual ocasion cada mucha ta ser inspecta cu escurpulosidad i ningun mancha riba e uniform no ta escapa bista di Sr. Pierre. Cada falta, pa chiquito cu e por ta, ta cifra un strafpunt, cu ta ser conta huntu na ora di pelotons-competitie.

Despues di inspectie ta bai over na e ejercicio anteriormente menciona, cual ta ser cambia trobe cu weganan cu no obstante e caracter „educativo”

ta ser hunga cu gritonan di harimentu. Dje manera ei na su debito tiempo tin esfuerzo i expansion.

Primeur pa St. Eustatius

Na principio di 1961, tempo cu Sr. John Edbrook, organisador di Boys Brigade den e luganan aqul banda a bishita Antillas a erigi pareu na Corsow i Aruba compaignienan: na Aruba tabatin un i na Corsow como cuater. Den e cuadro aqul ta interesante, cu e brigada di mas bieu den Antillas Neerlandes ta esun na St. Eustatius. B.B. — cu ta un nomber poco peligroso — ta existi ya decenanan di anja caba. President Viapree di Boys Brigade na Aruba a participa nos, cu B.B. ta un organizacion cu un numero desconoci di calidadnan i posibilidadnan. E existencia largu sol caba ta proba esaki. „Bertie” un figura principal den misa di Methodistanan i hopi otro club na San Nicolas, a splica nos com B.B. propiamente ta un punto di comienzo i no di final. Boys Brigade ta cuminsa cu „Life Boys”. Number di Life Boys ta pa e club di muchanan entre 9 i 12 anja, cu ainda ta mucho hoben pa e Brigade. Manera Sr. Viapree a expresa, e asistio, e ta e „team di recruitment pa B.B.”. Despues di Boys Brigade ta sigui tambe awor e „Old Boys Association”, club di muchanan cu a pasa 17 anja i ta mucho bieu pa e B.B. Den „O.B.A.” ta ser prepara pa e „old boys” pa nan gran tarea den comunidad di adultonan i segun e posibilidad pa esaki ta presentia; e ta proba caba den bida religioso i social. „Life Boys” ta existi caba i ta consisti di 56 persona; „Old Boys Association” lo ser funda asina tin suficiente hoben foi B.B. cu a haci 17 anja.


Na september proximo ta bolbe bin un lichtung nobo di B.B. Tur mucha cu ta sinti algu pa e organizacion aqul por bin inscribi nan, sin distincion di raza of conviccion.

Hopi plannan

Domi Gumbs y su oficialnan di B.B., di kendenan hopi ta constituyi di bisti directamente di nan trahao bisti na uniform, tin diada hopi plan nan. No a tende di un campamento di verano cu e muchanan. Tambe nan ta pensa na lanta un fanfare (un banda di musica). Naturalmente cu tin miedu di placa pa lant esaki. Pero Iglesia metodista na Aruba (segun resultado di censo di 1960 ta conta cu un supiero di 4000 alma) ta dispone di un domi masha activo, cu na su tempo tin trobe na grupo masha activo trobe rond di e.

Te ainda semper nan a logra sin haci masha bista y bati riba comunidad, di colecta e plananan necesario nan mes. E fundacion di Boys Brigade a ser financia for di fondonan di misa y luego for di donacion y e contribucion di 10 placa pa stran di miembronan. Tambe misa a crece e meyor manera pa e sala di audienia banda di misa, cu a costa e suma di f. 90.000,— y cu muy probto lo haci uso di e. Domi Gumbs no ta hende cu ta tobia. E (antistimo) plan nan cu ta ser realiza for di su direccion, ta solamente un grupo chikito ta na altura di esei. Ta for di banda ta nota e placa pa e campamento di verano y formacion dje fanfare cu su instrumentonan asina costoso y caro? Tur loque domi Gumbs a haci pa e pregunta aki ta sonri.

Pa muchanan chikito tambe tin un organizacion especial: „The Life Boys” ta su nomber. Ora cu esakinan haci 12 anja nan ta bai over na B.B. Domi Gumbs, e homber cu a tuma e iniciativa pa e obra hubenil importante aki, ta para henteramente atras na derecho.



E officiernan di Boys Brigade ta reza diarazon anochi prome cu nan cuminsa cu e ehercicionan den cura di scol di Abraham de Veerschool. Domi Gumbs ta reza prome su oracion. Durante e oracion e bonechinan ta ser teni contra e scouder robez. Na izquierda ariba: Boys Brigade den nan tenue di diadomingo na San Nicolas riba caminda pa misa.

En todo caso djaluna anochi el a sigura su mes trobe di un cooperador nobo: dr. V. L. Hymans, kende mesos cu nos y Sr. N. A. Isidora di Kinder- en Zedenpolitie di San Nicolas a bin haci un paseo aya, directamente tabata asina bae di impresion di loke nan a contemplá, cu inmediatamente el a ofrece su bon servicionan na formacion di e banda!

Despues cu Dia Luna anochi dr. Hymans a caba di tuma defile di e muchanan i cu palabranan cariñoso di animacion i apoyo a ser expresa pa Sres. Hymans i Isidora, e encuentro a queda clausura pa domi Gumbs cu oracion. Dia Huebos lo tin e siguiente encuentro di e muchanan, mientras cu e onderofficiernan i officiernan tur Dia Sabra tardi ta hanja „mental training” di domi.

Contra humamentu y bebementu

Ora cu e encuentro a termina i cu e oficial-i huespednan tabata para ta ombersa huntu, domi Gumbs a ofrece un dje officiernan un sigaria. Esaki no a cai den e trampa aqul, pasobra

bra no ta permiti pa huma na uniform, ni tampoco bebe bebidanan alcoholico. I ora cu nan no ta na uniform, toch a queda un genero di bida di B.B. pa trata na huma i bebe mas poco posible ora cu nan no por larga esei para completamente mes.

Solemnidad

Dia 15 di juli p.v. lo tin un solemnidad na B.B. Antio durante un servicio special di misa Methodistista lo haci uso oficialmente dje bandera di club di Boys Brigade. E unico cos cu Boys Brigade ta falta ainda lo bira porfin realidad awor.

Brigada di mucha muhe.

I e mucha muhenan? Actualmente ta existi pa mucha muhenan di misa di Methodistanan un Girls League. No ta imposible cu esaki na su debito tiempo lo ser reeleve pa traha luga pa 2 „Girls Brigade”. Pero esaki lo dura un poco tempo ainda prome cu tur esakinan a socede, como cu e otro actividadnan i aevigi tur tempo di e organisadornan.

enter e grupo i artisticamente e punto centrico di loque nan tur ta haci i larga.

Nos tabata conoca Janigro antes solamente di algun recepcion e.o. cu e pianista/directing Carlo Zecchi. Qui un privilegio di por scucha e don grandioso i magistral aqul in natura. Qui stranjo de lo contrario cu su manera di dirigi ta tecnicamente mira asina extremadamente zwak i poco exacto. Si nos a ripara esaki caba den bailenan foi Corelli's Suite in G; den E-dus concert di violon di Bach esaki a resulta hasta algun bez den algun cosnan menos corecto entre solista i orkestra. Ta hasta riparable cu esaki, loque ta depende dje prome parti, tanto durante e concert hubenil mainta (Stichting Culturele Vorming) cu na e concert di anochi e loutnan aqul ta tuma luga trobe na e mes camina. Ademas e interpretacion di violinista Jelle Stanic ta masha musical i expresiva. E orkestra den su enter ta masha rutina i ta dreña o'ro, de la manera cu e tarea di e dirigent principalmente por queda masha limita na indicacion di senjaldan dinamico i lineanan musical.

E „Improvisacionnan” dje komponista Jugoslavo M. Kelcman a dura e orkestra hopi ocasion na deslaga su capacidad mehor na un manera variable. Ehecucion dje obra contemporaneo aki a ser prisiona pa publico i scucha cu concentracion. Esaki no tabata nada stranjo anto cu e Divertimento di Mozart despues di esaki tabata solamente puro alegria pa cada un.

E publico entusiasta i mas cu satisfecho no a regresa cas prome di a hanja ofreci como njapa e segundo parti foi Britten's Little Symphony.

JOHN MERRYWEATHER PRESIDENT DI R.C.A.

(Di nos redactor deportivo)

Den un reunion general di Racing Club Aruba teni dialuna anochi a worde eligi como president nobo John Merryweather, kende te na e momento ey tabata ocupa e puesto di secretario. Na su luga como secretario a keda eligi Daniel Kelly, kende ya diferente anja a ocupa puesto den directiva di R.C.A.

Otro miembronan di directiva ta Sr. Frans Wever vice president, Modesto Oduber segundo secretario, Statia, tesorero y como segundo tesorero Jack Siem y comisionaron Odulio N. Berg, N. E. Henriquez sr. y Mateo Reyes.

Musica fascinante di Yugoslavonan

Pa AD STENZEN

Despues di Corsow tabata Aruba cu diasabra u.p. tabata na turno pa ofrece un funcion di un concert door dje ensemble „I Solisti di Zagreb”, manera Arubaanse Kunstkring sa tin costumbre di organiza.

Un sala mediano jen cu notablemente hopi hoben a goza tanto di arte di un compania di musica di camara cu, aunque algun anja caba admiti como grupo internacionalmente selecta, en realidad na cierto facetenan dje arte di ensemble nan tabata insuperable.

I cu esaki nos ta basa na prome luga riba e increible calidad di tono cu practicamente e ensemble aqul a produci. Un entusiasmo interior particular i un elegancia ta brilla foi cada instrumento i ta bai contra e

scuchadornan practicamente. Hasta sin vibrante riparable nan ta sabi di desarolla un zonido masha firme cu di naturaleza caba ta vibra i ta empuga manera foi un coleccion di instrumentonan di mas costoso di ex-Maestronan Italiano. Un calidad cu den e tamjanjo aqul bo n' ta hanja ni cerca „Stuttgarters”, ni tampoco cerca „Musici”. Ta e intonacion „absoluta” lo por ta hunga un rol asina grandi aqul????

Sigur ta, cu e a e di un „Solisti” den sentido favorable ta un reproduccion natural di esun di e dirigent-ecellist Antonio Janigro. Pasobra e cos mas riparable ta cu e mencionado aqul riba tin relacion den mes grandi tamjanjo riba e obra di solo dje gran artista aqul. Cu participacion di celloconcert di Beecherini e homber aqul a demonstra su mes na un manera imponente senjor i maestro di

